



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-2-40-165-4/24**
Datum: **13.05.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica, JP «Autoceste Federacije BiH» d.o.o. Mostar za donošenje rješenja o vodnoj saglasnosti na projektnu dokumentaciju za regulaciju korita rijeke Bosne u naselju Nemila, grad Zenica u sklopu izgradnje autoceste na koridoru Vc, dionica Nemila-Donja Gračanica, poddionica Nemila-Vranduk, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE **o vodnoj saglasnosti**

1. Pravnom licu, JP «Autoceste Federacije BiH» d.o.o. Mostar, daje se vodna saglasnost za regulaciju korita rijeke Bosne u naselju Nemila, grad Zenica u dužini cca 3,25 km a u sklopu izgradnje autoceste na koridoru Vc, dionica Nemila-Donja Gračanica, poddionica Nemila-Vranduk, na osnovu projektne dokumentacije:
 - Glavni projekat «Regulacija korita rijeke Bosne u sklopu izgradnje autoceste na koridoru Vc, dionica Nemila-Donja Gračanica, poddionica Nemila-Vranduk», Knjiga B1000 urađen od strane «ASI INŽENJERING» d.o.o. Sarajevo, «GEOBIRO» d.o.o. Konjic i «PPG» d.o.o. Sarajevo, oktobar 2022. godine te revidovan od strane «Zavod za vodoprivredu» d.d. Sarajevo, oktobar 2022. godine.
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona.
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove na uređenju korita i obala rijeke Bosne na predmetnom lokalitetu u naselju Nemila, grad Zenica izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.5. Nosilac prava iz vodne saglasnosti dužan je u saradnji sa izvođačem radova i nadzornim organom prije početka radova riješiti način uklapanja (prelazne dionice) nivelete regulisanog korita u prirodno korito na predmetnoj dionici (uklapanje u prirodno korito uzvodno i nizvodno od predmetne dionice), tako što će se bez značajnijih zahvata u prostoru moći pristupiti realizaciji narednih dionica regulacije korita, uz istovremeno zadovoljenje zahtjeva u pogledu zaštite od plavljenja.

- 3.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.7. Sve eventualne kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
- 3.8. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obala i korita vodotoka, pogoršanje kvaliteta vode i dr).
- 3.9. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.10. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.11. U toku radova, iskopani materijal i otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 3.12. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.13. Investitor (korisnik vodne saglasnosti) je obavezan ispoštovati uslove iz Rješenja o urbanističkoj saglasnosti broj: 03-19-3091/23 izdatog dana 19.03.2024. godine od strane Službe za urbanizam Grad Zenica,
- 3.14. Nakon završetka radova neophodno je radni pojas koji uključuje korito, inundacioni pojas i obale rijeke Bosne urediti i očistiti od gradilišnih objekata, mehanizacije i gradilišnog otpada.
4. Ukoliko se izvođenjem radova na uređenju korita rijeke Bosne ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Udruženje građana sportskih ribolovaca «Bistro» Zenica, koje je korisnik ribolovnog prava na ovom ribolovnom području, o početku izvođenja radova u koritu rijeke Bosne na predmetnom lokalitetu u naselju Nemila, grad Zenica.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju korita i obala na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja korita, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
9. Korisnik vodne saglasnosti je dužan da prije početka izvođenja radova u saradnji sa nadležnim službama Grada Zenica riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.

10. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na uređenju korita rijeke Bosne u skladu sa tehničkom dokumentacijom iz tačke 1. dispozitiva ovog Rješenja.
11. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, JP «Autoceste Federacije BiH» d.o.o. Mostar, obratilo se ovoj Agenciji dana 01.04.2024. godine sa zahtjevom za donošenje rješenja o vodnoj saglasnosti za regulaciju korita rijeke Bosne u naselju Nemila, grad Zenica u sklopu izgradnje autoceste na koridoru Vc, dionica Nemila-Donja Gračanica, poddionica Nemila-Vranduk a u postupku pribavljanja odobrenja za građenje.

Uz zahtjev nije dostavljena dokumentacija koja je propisana članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-2-40-165-2/24 od 23.04.2024. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: Tt-O-463/23 izdatog dana 09.06.2023. godine od strane Općinskog suda u Mostaru,
- Ovjerena kopija Potvrde o promjeni podataka za porezni identifikacioni broj izdate dana 27.06.2022. godine od strane Porezne uprave Federacije BiH - Kantonalni porezni ured Mostar,
- Kopija Rješenja o prethodnoj vodnoj saglasnosti broj: UP-I/25-1-40-320-4/20 izdatog dana 01.09.2020. godine od strane «Agencije za vodno područje rijeke Save» Sarajevo,
- Kopija Zaključka o odbacivanju zahtjeva za vodnu saglasnost broj: UP-1/21-1-40-595-12/22 izdatog dana 23.10.2023. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 03-19-3091/23 za uređenje korita rijeke Bosne (lijeva i desna obala) od mosta u Topčić Polju do cca 600m uzvodno od mosta u naselju Nemila, grad Zenica izdatog dana 19.03.2024. godine od strane Službe za urbanizam Grad Zenica,
- Saglasnost za izvođenje radova na uređenju rijeke Bosne broj: 23-05/24 izdata 13.05.2024. godine od strane Udruženja građana sportskih ribolovaca «Bistro» Zenica,
- Glavni projekat «Regulacija korita rijeke Bosne u sklopu izgradnje autoceste na koridoru Vc, dionica Nemila-Donja Gračanica, poddionica Nemila-Vranduk», Knjiga B1000, urađen od strane «ASI INŽENJERING» d.o.o. Sarajevo, «GEOBIRO» d.o.o. Konjic i «PPG» d.o.o. Sarajevo, oktobar 2022. godine,
- Konačni izvještaj o izvršenoj reviziji investiciono-tehničke dokumentacije urađen od strane «Zavod za vodoprivredu» d.d. Sarajevo, oktobar 2022. godine,
- Dokaz o uplaćenju upravnoj taksi.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na regulaciji rijeke Bosne u naselju Nemila, grad Zenica u sklopu izgradnje autoceste na koridoru Vc, dionica Nemila-Donja Gračanica, poddionica Nemila-Vranduk izrađena je projektna dokumentacija - Glavni projekat «Regulacija korita rijeke Bosne u sklopu izgradnje autoceste na koridoru Vc, dionica Nemila-Donja Gračanica, poddionica Nemila-Vranduk», Knjiga B1000, od strane ovlaštenog projektanta «ASI INŽENJERING» d.o.o. Sarajevo, «GEOBIRO» d.o.o. Konjic i «PPG» d.o.o. Sarajevo, oktobar 2022. godine.

Reviziju projektne dokumentacije uradila je ovlaštena projektna kuća «Zavod za vodoprivredu» d.d. Sarajevo, oktobar 2022. godine.

Od strane Službe za urbanizam Grad Zenica, za uređenje korita rijeke Bosne (lijeva i desna obala) od mosta u Topčić Polju do cca 600m uzvodno od mosta u naselju Nemila, grad Zenica izdato je JP «Autoceste Federacije BiH» d.o.o. Mostar dana 19.03.2024. godine Rješenje o urbanističkoj saglasnosti broj: 03-19-3091/23 sa određenim uslovima.

Podnosilac zahtjeva je pribavio Rješenje o urbanističkoj saglasnosti od nadležnog organa čime se

Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-I/25-1-40-320-4/20 izdatog od strane ovog organa dana 01.09.2020. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

U projektnoj dokumentaciji su priloženi opisi i nacrti uobičajeni za ovaj nivo projektne dokumentacije: pregledni situativni prikaz projektnog rješenja za planirane radove u mjerilu M 1:25000; situacija plavnih površina u mjerilu M 1:5000; situacija-list 1 u mjerilu M 1:2000; situacija-list 2, 3 i 4 sa pozicijom stabilizacionih pragova, kanala za odvodnju, ispusta zaobalnih voda u mjerilu M 1:1000; uzdužni profili u mjerilu M 1:100/1000; normalni poprečni profili (tip 1, 2, 3 i 4) u mjerilu M 1:100; poprečni profili u mjerilu M 1:500 (od P1 do P35) i u mjerilu M 1:200 (od P36 do P100); detalji stabilizacionog praga tip 1, 2, 3 i 4 u mjerilu M 1:100; detalj objekta za uvođenje zaobalnih voda u mjerilu M 1:100.

Za radove na ušću Bistričke i Orahovičke rijeke u rijeku Bosnu priloženi su situativni prikazi u mjerilu M 1:200 i 1:500; normalni poprečni profili u mjerilu M 1:100; poprečni profili u mjerilu M 1:200 (od PP1 do PP 9 za ušće Bističke rijeke i od PP1 do PP3 za ušće Orahovičke rijeke) te uzdužni profil za ušće Orahovičke rijeke u rijeku Bosnu u mjerilu M 1:200/2000.

Uređenjem korita rijeke Bosne na predmetnom lokalitetu u naselju Nemila na obe obale u dužini od cca 3,25km (od profila P35 ST 1+700,00 do profila P100 ST 4+950,00) omogućit će se povećanje proticajnog profila rijeke Bosne na istom, poboljšanje hidrodinamičkih uslova i kapacitativnih karakteristika korita a sve u cilju sprječavanja negativnih uticaja rijeke Bosne na buduću autocestu i smanjenja nastanka šteta od poplava kao i zaštite stambenih i privrednih objekata od poplava pri pojavi velikih voda ranga pojave 1/100 godina. Posebna pažnja pri izboru projektnog rješenja uređenja bila je usmjerana ka načinu uklapanja tehničkog rješenja regulisanog korita u rješenje autoceste.

Projektom uređenja korita rijeke Bosne predviđeno je proširenje proticajnog profila rijeke Bosne od naselja Nemila do mosta u naselju Topčić Polje, izgradnja odbrambenog nasipa na dionici od ST 1+691.76 do ST 2+150.00 km te od ST 3+350.00 do ST 3+950.00 km, izgradnja zaštitnih parapetnih zidova, proširenje proticajnog profila na mostu u Nemilolj produženjem mosta do novoprojektovanog kružnog toka.

Na lijevoj obali rijeke Bosne projektom su predviđeni kanali (segmentni betonski jarak) za prikupljanje zaobalnih voda iza nasipa na sljedećim potezima: kanal 1 od P35 do P44; kanal 2 od P68 do P73; kanal 3 od P74 do P78; kanal 4 od P78 do P79; kanal 5 od P79 do P80. Projektom su predviđeni ispusti zaobalnih voda na tri lokaliteta.

Normalni profil regulisanog korita na predmetnoj dionici rijeke Bosne dimenzionisan je na velike vode povratnog perioda 100 godina. Usvojena su četiri tipa poprečnih profila, na potezima gdje je to moguće. U zavisnosti od raspoloživog prostora, nadvišenje na pojedinim dionicama postignuto je parapetnim zidom, a na drugim nasipom. Minimalno nadvišenje nasipa/zida u odnosu na kotu nivoa velikih voda stogodišnjeg povratnog perioda je 1.0 m. Kosine su predviđene u nagibu 1:2 izuzev poteza od P51 do P54 gdje su kosine predviđene i nagibu 1:1.

Projektom je predviđena obloga kosina lomljenim sлагanim kamenom srednje krupnoće $d_{sr}=50$ cm, na šljunčano-pješčanom sloju debljine 10 cm sa podlogom od geotekstila. Obaloutvrde se izvode i na mjestima gdje su vršeni veliki iskopi tla, čime je ugrožena stabilnost korita (na desnoj obali od P72 do P87, te na lijevoj i desnoj obala od P90 do P100) i na dionicama gdje su predviđeni parapetni zidovi.

Projektom dokumentacijom je predviđeno uređenje ušća Bistričke rijeke u rijeku Bosnu u dužini cca 110m i ušća Orahovičke rijeke u dužini cca 50m.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 114. Zakona o vodama i člana 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), propisani uslovi koje je investitor dužan ispuniti u toku predmetne gradnje.

Uzimajući u obzir naprijed navedeno, na osnovu člana 109. stav (1) tačka 14., a u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja. Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Prilog:

- Ovjeren Glavni projekat «Regulacija korita rijeke Bosne u sklopu izgradnje autoceste na koridoru Vc, dionica Nemila-Donja Gračanica, poddionica Nemila-Vranduk», Knjiga B1000 urađen od strane «ASI INŽENJERING» d.o.o. Sarajevo, «GEOBIRO» d.o.o. Konjic i «PPG» d.o.o. Sarajevo, oktobar 2022. godine,
- Konačni izvještaj o izvršenoj reviziji investiciono tehničke dokumentacije urađen od strane «Zavod za vodoprivredu» d.d. Sarajevo, oktobar 2022. godine.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- JP «Autoceste Federacije BiH» d.o.o. Mostar
Ul. Adema Buća br 20, 88000 Mostar (prilog)
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava